



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿ ԵՆԹԱԿԱՌՈՒՑՎԱԾՔՆԵՐԻ ԵՎ
 ԲՆԱԿԱՆ ՊԱՇԱՐՆԵՐԻ
 ՆԱԽԱՐԱՐԻ

Հ Ր Ա Մ Ա Ն Ը

« 09 » փետրվարի 2018 թվականի № 16-ՆԿ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԻ ԿԱՐԳԱՎՈՐՎՈՂ ՈԼՈՐՏՈՒՄ ՍՊԱՌՈՂՆԵՐԻ
 ՇԱՀԵՐԸ ՊԱՇՏՊԱՆՈՂ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ ԳՈՒՄԱՐԻ
 ՓՈԽԱՆՑՄԱՆ ԸՆԹԱՑԱԿԱՐԳԸ ՍԱՀՄԱՆԵԼՈՒ ՄԱՍԻՆ

Հիմք ընդունելով «Հանրային ծառայությունները կարգավորող մարմնի մասին»
 Հայաստանի Հանրապետության օրենքի 16-րդ հոդվածի 5-րդ մասը, հաշվի առնելով
 Հայաստանի Հանրապետության կառավարության 2017 թվականի դեկտեմբերի 21-ի
 №1721-Ն որոշման 3-րդ կետը և Հայաստանի Հանրապետության հանրային
 ծառայությունները կարգավորող հանձնաժողովի (այսուհետ՝ Հանձնաժողով) 2018
 թվականի փետրվարի 6-ի №25Լ որոշումը.

ՀՐԱՄԱՅՈՒՄ ԵՄ

1. Սահմանել հանրային ծառայությունների կարգավորվող ոլորտում սպառողների
 շահերը պաշտպանող հասարակական կազմակերպություններին գումարի
 փոխանցման ընթացակարգը՝ համաձայն հավելվածի:
2. Սույն հրամանի կատարման հսկողությունը վերապահել Հայաստանի
 Հանրապետության էներգետիկ ենթակառուցվածքների և բնական պաշարների
 նախարարության աշխատակազմի ղեկավարին:

/ԱՇՈՏ ՄԱՆՈՒԿՅԱՆ

Հավելված
ՀՀ էներգետիկ ենթակառուցվածքների
և բնական պաշարների նախարարի
2018թ. *փետրվարի 19*»-ի
16-Ն հրամանի

ԸՆԹԱՑԱԿԱՐԳ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԻ ԿԱՐԳԱՎՈՐՎՈՂ ՈԼՈՐՏՈՒՄ ՍՊԱՌՈՂՆԵՐԻ
ՇԱՀԵՐԸ ՊԱՇՏՊԱՆՈՂ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻՆ ԳՈՒՄԱՐԻ
ՓՈԽԱՆՑՄԱՆ

1. Սույն ընթացակարգով սահմանվում է «Հանրային ծառայությունները կարգավորող մարմնի մասին» Հայաստանի Հանրապետության օրենքի 16-րդ հոդվածի 5-րդ մասի և Հայաստանի Հանրապետության կառավարության 2017 թվականի դեկտեմբերի 21-ի №1721-Ն որոշման (այսուհետ՝ Որոշում) համաձայն Հայաստանի Հանրապետության էներգետիկ ենթակառուցվածքների և բնական պաշարների նախարարության (այսուհետ՝ Նախարարություն) կողմից ընտրված հանրային ծառայությունների կարգավորվող ոլորտում սպառողների շահերը պաշտպանող հասարակական կազմակերպություններին (այսուհետ՝ ընտրված կազմակերպություն) գումարի փոխանցման ընթացակարգը:
2. Նախարարությունը Հանձնաժողովի 2018 թվականի հունվարի 6-ի №25Լ որոշման համաձայն՝ Հանձնաժողովի համար բացված համապատասխան գանձապետական հաշվին Հանձնաժողովի կողմից փոխանցված գումարը Որոշման հավելվածով սահմանված կարգի և պայմանների 13-րդ, 14-րդ և 22.4-րդ կետերի համաձայն միջև յուրաքանչյուր եռամսյակի առաջին ամսվա ավարտը փոխանցում է ընտրված կազմակերպություններին, բացառությամբ 2018 թվականի 1-ին եռամսյակի համար նախատեսված գումարի, որը փոխանցում է մինչև 2018 թվականի առաջին եռամսյակի վերջին ամսվա ավարտը: